

**"Extracto da convocatoria de subvencións para festas parroquiais do Concello de Arteixo para o ano 2026.**

**1.- Bases reguladoras.** A convocatoria realízase ao abeiro das bases reguladoras de subvencións para festas parroquiais de Arteixo, publicadas no BOP A Coruña nº 66, de 10 de abril de 2026.

**2.- Crédito orzamentario.** A contía destinada para o ano 2026 é de 210.000,00 € con cargo á aplicación orzamentaria 338.48902.

**3.- Obxecto.** O obxecto destas bases é o de apoiar ás Comisións e asociacións de festas do Concello de Arteixo na organización de festas catalogadas como patronais e as catalogadas como non patronais, romarías ou asimiladas que se celebran, dentro do calendario festivo tradicional, nas parroquias que conforman o Concello de Arteixo, co fin de por en valor un uso activo do tempo de lecer e mantemento das tradicións de Galicia. As contías individualizadas da subvención e os criterios para a súa determinación serán os que seguen:

- Subvencións para festas consideradas patronais ou asimiladas (polo calendario eclesiástico ou pola súa importancia na zona):

a) Para todos os lugares, 4.500,00 € por día de festa con contratación de orquestra/grupo de 5 ou máis integrantes.

b) Para todos os lugares, 2.000,00 € por día con contratación de formacións musicais de menos de 5 persoas.

En ambos casos, ata un máximo de 3 días, e por todos os conceptos de gasto subvencionables, a unha soa comisión por lugar ou parroquia de celebración, sempre que o orzamento presentado sexa igual ou superior a estas cantidades e así o soliciten e xustifiquen documentalmente, non podendo subvencionarse nun mesmo día máis dunha orquestra ou grupo.

- Subvencións para festas non patronais, romarías ou asimiladas:

Para todos os lugares a cantidade única de 2.000,00 € (máximo) nas festas non patronais, romarías ou asimiladas por día ata un máximo de 3 días. Estas cantidades concederanse por todos os conceptos de gasto subvencionables, a unha soa comisión por lugar ou parroquia de celebración, sempre que o presuposto presentado sexa igual ou superior a estas cantidades e así o soliciten e xustifiquen documentalmente.

En calquera caso a concesión de subvencións quedará condicionada á existencia de crédito axeitado e suficiente na partida orzamentaria de referencia no momento que se dite a resolución da concesión.

**4.- Procedemento.** Segundo o apartado 8) das bases reguladoras, o procedemento de concesión das subvencións tramitarase en réxime de concorrencia competitiva que se axustará ao disposto no art. 22.1 da Lei 38/2003, do 17 de novembro, Xeral de Subvencións, ate que se esgote o crédito orzamentario dispoñible, mediante a comparación das solicitudes completas presentadas, a fin de establecer unha orde de prelación das mesmas.

**5.- Requisitos para solicitar a subvención.** Serán beneficiarios destas subvencións (apartado 4º das bases reguladoras):

1º) Entidades legalmente constituídas (Comisións de Festas ou Asociacións, no caso de non existir a primeira) que:

- a) Carezan de ánimo de lucro.
- b) Desenvolvan as súas actividades no ámbito territorial do Concello de Arteixo.
- c) Non teñan pendentes de xustificación ningunha subvención ou axuda perante o Concello de Arteixo para o mesmo obxecto para o que se solicita a nova subvención.
- d) Estean ao corrente das súas obrigas coa Axencia Tributaria, coa Seguridade Social e co Concello de Arteixo.

e) Non estean incursas en ningún dos supostos de incapacidade ou incompatibilidade para percibir axudas ou subvencións públicas.

2ª) Requisitos para obter a condición de beneficiario:

- Estas axudas son incompatibles con outras convocatorias, convenios ou plans do Concello de Arteixo destinado para o mesmo fin.
- Unha mesma festa só será subvencionada a través dunha única entidade (Comisión de Festa, Asociación...).
- Non se subvencionaran os festexos que non estean enraizados no ciclo festivo tradicional.
- A celebración da festa debe estar previamente autorizada polo Departamento municipal correspondente, para o cal se presentará unha memoria do evento incluíndo o cartel publicitario que indique o apoio do Concello de Arteixo na celebración da festa.

**6.- Órganos competentes.** O procedemento será instruído pola Concellaría de Festas, onde se creará unha Comisión de Valoración e Seguimento, que realizará cantas actuacións sexan necesarias segundo o art. 10 a) da Ordenanza municipal núm. 26 reguladora da concesión de subvencións municipais. O órgano competente para resolver o procedemento é a Xunta de Goberno Local do Concello, segundo o art. 127 da Lei 7/1985, de 2 de abril, reguladora das Bases de Réxime Local e demais lexislación concordante.

**7.- Prazo de presentación de solicitudes.** O prazo de solicitudes será de un mes desde a publicación do extracto da convocatoria no Boletín Oficial da Provincia, a través da BND, segundo o apartado 7 das Bases reguladoras.

**8.- Prazo de resolución e notificación.** Segundo o apartado 8º das bases reguladoras, elaborada a proposta de concesión pola Comisión Avaliadora e fiscalizada pola Intervención Municipal, someterase a

aprobación pola Xunta de Goberno Local. O acordo de concesión, deberá notificarse a todos os solicitantes de forma expresa no prazo de 10 días desde a data da resolución (art. 40.2 da LPACAP).

**9.- Documentación.** (apartado 7º das bases reguladoras). As solicitudes formularanse no modelo normalizado e que se poderá descargar na páxina web do Concello de Arteixo, achegando os datos e a documentación sinalada a continuación:

- Solicitud de subvención e declaración responsable, segundo o anexo I.
- Memoria da Festa: datos xerais, tipo e importe de subvención solicitada, programa da festa e orzamento, segundo o anexo II.
- Importe da subvención solicitada, segundo os criterios establecidos nestas bases.
- Fotocopia do CIF da comunidade e acta de constitución dos integrantes que forman a actual comisión, coa sinatura do presidente e secretario saíntes (segundo modelo oficial) e copia dos DNI dos membros da Xunta Directiva, de non ser presentada con anterioridade.
- Designación de conta bancaria (segundo modelo oficial), de non ser presentada con anterioridade.

**10.- Posibilidade de reformulación da solicitude.** Non se admite a alteración das condicións tidas en conta para a concesión da subvención e, polo tanto, non proceden posibles modificacións da resolución.

**11.- Recursos procedentes contra a resolución do procedemento.** Contra o acordo poderá formularse os recursos que procedan, segundo os art. 123 e 124 da LPACAP.

**12.- Criterios de valoración das solicitudes.** A fin de establecer unha orde de prelación das solicitudes e segundo o apartado 8º das bases reguladoras, establécense os seguintes criterios de valoración obxectivos:

1. Número de días festivos que se celebren e nos que se realice unha verbena ou concerto na que actúe unha orquestra ou grupo musical en directo ou solista de consolidado renome e relevancia, excluindo os solistas, dúos de animación musical ou os DJ:
  - a) De 1 día: 2 puntos.
  - b) De 2 días: 3 puntos.
  - c) De 3 días: 4 puntos.
  - d) Máis 3 días: 5 puntos
2. Traxectoria na celebración ininterrompida dos festexos populares tradicionais da parroquia, valorándose:
  - a) De 1 a 3 anos: 2 puntos.
  - b) De 4 a 5 anos: 3 puntos.
  - c) De 6 a 7 anos: 4 puntos.
  - d) Máis de 8 anos: 5 puntos
3. Aportación económica da entidade organizadora na celebración da festa parroquial segundo o orzamento presentado:
  - a) Ata 5.000 €: 2 puntos.
  - b) De 5.001 a 7.000 €: 3 puntos.
  - c) De 7.001 a 9.000 €: 4 puntos.
  - d) Máis de 9.001 €: 5 puntos

No caso de que se produza un empate na puntuación obtida polas entidades será criterio de desempate aquelas entidades que empregaran como lingua vehicular na documentación presentada (memoria, anexos ...) e na difusión das actividades realizadas polas entidades (carteis, programas, cuñas publicitarias ...), a lingua galega.

Para o caso de que persista o empate, terase en conta a data e hora de presentación da solicitude.

No caso de que a partida orzamentaria non se esgote, non será necesario ordenar as solicitudes segundo os criterios anteriores.

**13.- Medio de notificación ou publicación.** De acordo co art. 14 da LPACAP, notificarase electrónicamente a resolución do procedemento ás entidades solicitantes.

**14.- Prazo de presentación da conta xustificativa.** A data límite para a presentación da conta xustificativa será de 15 días naturais desde a celebración da festa ou romaría. No caso dos eventos xa celebrados na data de publicación desta convocatoria, o prazo de xustificación será de un mes desde a publicación e presentarase xunto coa solicitude e subvención. En el caso de gastos que superen los 6.000,00 € e en cumprimento do art. 10 da ordenanza municipal nº26 reguladora da concesión de subvencións municipais, deberán aportarse tres orzamentos ou ofertas. O acordo de aprobación da conta xustificativa e pago notificarase os beneficiarios segundo o art. 40.2 da LPACAP.